




**USAID**  
HUSI POVU AMERIKANU



## **Proposta Nomeasaun no Exonerasaun Polémika entre Presidente da Repúblika ho Governu RDTL**

*“Polémika nomeasaun no exonerasaun ba Chefe Estado Maior General Força Armada (CEMGFA), Vice-Chefe Estado Maior General Força Armada (Vice-CEMGFA) ignora tiha Chefe Estado Maior Forsa Armada (CEMFA)”  
FALINTIL-Força de Defesa de Timor-Leste (F-FDTL)*

**Mahein Nia Lian Nú. 108, 23 FEVEREIRU 2016**



*Foto: Presidência da República*

**Relatóriu Fundasaun Mahein Nia Lian ne'e suporta husi povu Amerikanu liu husi Ajénsia Estados Unidos ba Dezenvolvimentu Internasional (USAID)**

**Vizaun husi autor sira ne'ebé expresa iha publikasaun relatóriu sira ne'e la representa vizaun husi Ajénsia Estados Unidos ba Dezenvolvimentu Internasional (USAID)**

**Fundasaun Mahein (FM)**

**Website: [www.fundasaunmahein.org](http://www.fundasaunmahein.org)**

**2016**



## Kontiudu sira

Kontiudu sira	2
Introdusaun	3
Metodolojia	3
Nomeasaun no Exonerasaun	4
Mandatu CEMGFA, Vice-CEMGFA no CEMFA	4
Nomeasaun no Exonerasaun Aktual 2016 ho Polémika	5
Konkluzau	8
Rekomendasaun	9
Bibliografia	10



## Introdusaun

Polémika ne'ebé dadaun ne'e espalla iha públiku kona-bá nomeasaun no exonerasaun ba kargu Chefe Estado Maior General das Força Armada (CEMGFA) F-FDTL no Vice-Chefe Estado Maior General Força Armada (Vice-CEMGFA) F-FDTL nian. To'o agora públiku kontinua dúvida ho interpretasaun oin-oin no espalla mos rumoris oin-oin.

Nune'e mos nomeasaun no exonerasaun ba CEMGFA (F-FDTL) no Vice-CEMGFA (F-FDTL) hetan protestu maka'as husi membru Parlamentu Nasional kona-bá desizaun Prezidente da República nian. Tuir relatóriu media nasional deputadu sira sei foti asaun tuir kompetênsia no funsaun Parlamentu Nasional nian ba nomeasaun no exonerasaun ne'e.<sup>1</sup>

Relasiona ho polémika nomeasaun no exonerasaun ba CEMGFA (F-FDTL) no Vice-CEMGFA (F-FDTL), to'o agora husi parte rua, Governu mantein proposta renovasaun ba kargu CEMGFA (F-FDTL) no Vice-CEMGFA (F-FDTL).<sup>2</sup> Nune'e mos Prezidente da República mantein desizaun exonerasaun ho promosaun no nomeasaun foun ho promosaun. Prezidente da República mos ko'alia ba media nasional katak desizaun ba exonerasaun no nomeasaun ho promosaun sei la retira ka la hasai fali no pronto responsabiliza.<sup>3</sup>

Iha tempu hanesan mandatu Chefe Estado Maior Forsa Armada (CEMFA) F-FDTL ramata ona iha loron 6 Outobru 2015. Iha ne'ebé asume desde loron 6 Outobru 2011. Iha kazu ida ne'e nian, proposta ne'ebé Governu apresenta la temi kona-bá nomeasaun foun ba CEMFA (F-FDTL). Tanbasa Governu la apresenta proposta nomeasaun ba CEMFA (F-FDTL)? Karik Governu haluha ka halo renovasaun tan?

Problema ne'e iha ne'ebé no sai polémika? Relatóriu ida ne'e sei esplika ho kuadru legal sira kona-bá nomeasaun no exonerasaun ho promosaun ba kargu CEMGFA, Vice-CEMGFA (F-FDTL) no mandatu CEMFA (F-FDTL).

## Metodolojia

Fonte informasaun ka dados ba relatóriu ne'e maka dokumentu oficial sira hanesan Konstituisaun República Demokratika Timor-Leste, Lei Defeza Nasional, Estatutu Organika F-FDTL nian, Estatutu Militar ba F-FDTL, Dekretu Prezidente da República no dokumentu oficial sira seluk ne'ebé relasaun ho nomeasaun no exonerasaun ho promosaun ba kargu CEMGFA, Vice-CEMGFA no CEMFA. Nune'e hodi konklui relatóriu ne'e liu husi metodu ne'ebé FM adopta maka *Security Sector Discussion (SSD)*.

---

<sup>1</sup> Diariu Timor Post, EDISAUN NO. 08343433. Loron 17 Feveireiru 2015. p.1 no 23.

<sup>2</sup> Diariu Timor Post, EDISAUN NO. 08343434. Loron 18 Feveireiru 2016. p.1 no 23

<sup>3</sup> Diariu Timor Post, EDISAUN NO. 08343433. Loron 17 Feveireiru 2015. p.1 no 23.



## **Nomeasaun no exonerasaun**

Se maka nomea no exonera CEMGFA (F-FDTL) no Vice-CEMGFA (F-FDTL)? Tuir Konstituisaun RDTL artigu 86, alinea m) Presidente da República iha kompetênsia, órgaun sira seluk atu nomea no exonera, tuir Governu nia proposta, Forsa Armada sira nia Estado Maior General nia Xefe no nia Vice-Chefe no Forsa Armada sira nia Estado Maiór nia Chefe, rona tiha, iha kazu sira ikus ne'e, Forsa Armada sira nia Estado Maior General nia Chefe.

Dekretu Lei Nº 15/2006 Estatutu Orgániku F-FDTL nian, artigu 8 nº 2) CEMGFA (F-FDTL) nomeadu no exoneradu husi Presidente da República liu husi proposta Governu nian. Nune'e mos nomeasaun no exonerasaun ba Vice-CEMGFA (F-FDTL) tuir Artigu 9 nº 2) nomeadu no exoneradu husi Presidente da República, liu husi proposta Governu nian, konsulta uluk ho CEMGFA (F-FDTL).

Iha ambitu ida ne'e, nomeasaun no exonerasaun ba CEMGFA (F-FDTL) no Vice-CEMGFA (F-FDTL) tuir Dekretu Lei Nº 7/2014 Estatuto dos Militares das F-FDTL, artigu 74 nº 1) hatete”

*“O CEMG das F-FDTL é um oficial general nomeado e exonerado pelo Presidente da República, por proposta do Governo, precedida da audição do Conselho Superior de Defesa e Segurança, através do membro Governo com competência em matéria de Defesa Nacional.*

*Nº 2 artigu 74) – O Vice-CEMG das F-FDTL é nomeado e exenorado pelo Presidente da República, sob proposta do Governo, ouvido o CEMG das F-FDTL e precedida de audição do Conselho Superior de Defesa e Segurança”.*

Iha sorin seluk kona-bá nomeasaun no exonerasaun ba CEMFA (F-FDTL) ne'ebé proposta Governu nian la temi iha proposta ne'ebé hato'o ba Presidente da República. Tuir Dekretu Lei Nº 7/2014 Estatuto dos Militares das F-FDTL, artigu 75 nº 1) kona-bá nomeasaun no exonerasaun ba CEMFA (F-FDTL), hatete:

*“CEM das F-FDTL é nomeado e os comandantes das componentes são nomeados e exenorados pelo Presidente da República, sob proposta do Governo, ouvido o CEMG das F-FDTL e precedida de audição do Conselho Superior de Defesa e Segurança”.*

## **Mandatu CEMGFA, Vice-CEMGFA no CEMFA**

### **1. CEMGFA no Vice-CEMGFA (F-FDTL)**

Mandatu CEMGFA no Vice CEMGFA (F-FDTL) durasaun maxima tinan haat, bele renova ba dala ida deit. Artigu 74, nº 3, Decreto Lei Nº 7/2014 Estatuto dos Militares das F-FDTL hatete:

*“O exercício dos cargos de CEMG das F-FDTL e de Vice-CEMG das F-FDTL têm a duração maxima de quatro anos, podendo ser renovados por uma única vez”.*



Iha kontestu ida ne'e nian, mandatu CEMGFA no Vice-CEMGFA husi nomeasaun anterior nian Major General Lere Anan Timur nomeia ba CEMGFA (F-FDTL) iha loron 6 Outobru 2011, tuir Decreto Presidente 64/2011. Nune'e mos Vice-CEMGFA Brigadeiro General Filomeno da Paixão de Jesus nomea iha loron 6 Outobru 2011 tuir Decreto Presidente 65/2011.

Signifika katak mandatu ba CEMGFA (F-FDTL) Major General Lere Anan Timur no Vice-CEMGFA (F-FDTL) Brigadeiro General Filomeno da Paixão de Jesus ramata ona iha loron 6 Outobru 2015 ba periodu dahuluk nian (tinan haat). Husi artigu 74, n° 3, Decreto Lei N° 7/2014 Estatuto dos Militares das F-FDTL nia haruka kargu CEMGFA (F-FDTL) no Vice-CEMGFA (F-FDTL) la signifika labele ona halo renovasaun maibe bele halo renovasaun ba periodu ida tan (tinan haat).

## 2. CEMFA (F-FDTL)

Oinsa ho mandatu CEMFA Koronel Falur Rate Laek? Mandatu ba CEMFA (F-FDTL) durasaun maxima tinan rua, bele renova ba dala ida deit. Artigu 75, n° 2 Decreto Lei N° 7/2014 Estatuto dos Militares das F-FDTL hatete:

*“O exercício dos cargos de CEM das F-FDTL e de Comandante de Componentes têm a duração máxima de dois anos, podendo ser renovados por uma única vez”.*

Ba mandatu CEMFA (F-FDTL) husi nomeasaun anterior nian, Koronel Falur Rate Laek nomea ba CEMFA (F-FDTL) iha loron 6 Outobru 2011 tuir Decreto Presidente 66/2011. Signifika katak mandatu ba CEMFA (F-FDTL) Koronel Falur Rate Laek ramata ona iha loron 6 Outobru 2015 ba periodu daruak. Iha kazu ida ne'e nian mandatu CEMFA (F-FDTL) assume ona periodu rua tutuir malu husi 2011 to'o 2015, (Periodu primeiru 2011-2013 no periodu segundu 2013-2015). Nune'e, mandatu ba CEMFA (F-FDTL) Koronel Falur Rate Laek labele ona halo renovasaun no tenki halo nomeasaun foun.

### **Nomeasaun no exonerasaun aktual 2016 ho polémika**

Mandatu CEMGFA (F-FDTL) no Vice-CEMGFA (F-FDTL) ramata ona iha loron 6 Outobru 2015. Liu tiha loron sanolu, hafoin Governu apresenta proposta renovasaun. Nune'e proposta ne'ebé Governu hato'o ba Prezidente da República iha loron 16 Outobru 2015 husu atu halo renovasaun ba kargu tuir mai ne'e:

1. *Major-General Tito da Costa Cristóvão, alias Lere Anan Timur, para o exercício do cargo de Chefe Estado Maior General das F-FDTL, por um periodu de quatro anos;*
2. *Brigadeiro-General Filomeno da Paixão de Jesus, para o exercício de Vice-Chefe de Estado Maior General das F-FDTL.*

Resposta ho eskrita husi Prezidente da República liu husi karta Chefe Casa Sivil iha loron 5 Novembru 2015 ba Primeiru Ministru katak proposta ne'e la kompletu no temi



deit kargu CEMGFA (F-FDTL) no Vice-CEMGFA (F-FDTL), haluha tiha kargu CEMFA ninia mandatu tinan rua deit, ne'ebé ramata ona no labele halo nomeasaun-tan.<sup>4</sup>

Maske nune'e, proposta tuir mai, Governu apresenta proposta ho kontiudu ne'ebé hanesan hodi husu halo renovasaun ba mandatu CEMGFA (F-FDTL) Major General Lere Anan Timur no Vice-CEMGFA (F-FDTL) Brigadeiro General Filomeno da Paixão de Jesus no kontinua la temi mandatu CEMFA (F-FDTL).

Nune'e iha loron 9 Fevereiro 2016 Prezidente da República hasai Dekretu Prezidente da República rua kona-bá Nomeasaun no Exonerasaun ba CEMGFA (F-FDTL) no Vice-CEMGFA (F-FDTL). Dekretu Prezidente da República nº 3/2016 de 9 de Fevereiro hodi exonera kargu CEMGFA (F-FDTL) ba artigo 86 Konstituisaun República Demokratika Timor-Leste, artigo 74, nº 1 Dekretu Lei Nº 7/2014 de 12 de Março (Estatuto dos Militares da F-FDTL), artigo 14, nº 1 e) Lei Nº 3/2010, de 21 Abril (Lei Defeza Nasional), no artigo 73, Dekretu Lei Nº 7/2014 de 12 de Março (Estatuto dos Militares da F-FDTL), proposta husi governu hafoin rona tiha Konsellu Superior Defeza no Siguransa, Prezidente da República dekreta tuir mai ne'e:

*É exonerado do cargo de Chefe Estado-Maior General das FALINTIL-Forças de Defesa de Timor-Leste, o Major-General Lere Anan Timur;*

*É promovido ao posto de Tenente-General o actual Major-General Lere Anan Timur.*

Ho ida ne'e, exonerasaun ba CEMGFA (F-FDTL) Major General Lere Anan Timur no promove ba Postu Tenente General hanesan promosaun Onorífiku<sup>5</sup>, tanba kumpri tiha ona ninia mandatu kompletu.<sup>6</sup> Promosaun ba Postu Tenente General tuir artigo 73, Dekretu Lei Nº 7/2014 kona-bá Promosaun ba Tenente General ka Vice-Almirante, hatete:

- 1. Os postos de Tenente-General ou Vice-Almirante são postos honoríficos, portanto fora da hierarquia militar, a que só podem ser promovidos os Chefes de Estado Maior General das F-FDTL que cumpram integralmente o tempo do mandato para o qual foram nomeados.*
- 2. A promoção ao postos de Tenente-General ou Vice-Almirante ocorre no dia anterior à passagem dp CEMG das F-FDTL à situação de reserva ou reforma e implica a impossibilidade de promovido voltar ao activo.*
- 3. A promoção prevista nos números anteriores deve revestir a forma de promoção por distinção, seguindo-se as regras aplicáveis, com as necessárias adaptações, para a promoção a oficial general.*

<sup>4</sup> Karta Prezidencia da República liu husi Chefe Casa Sivil hato'o Primeiru Ministru ho N. Ref. <sup>a</sup>: GCC/357/V-XI/2015. Loron 5 Novembru 2015.

<sup>5</sup> Onorífiku – “Kehormatan” (Bahasa Indonesia).

<sup>6</sup> Komunikadu Imprensa Prezidencia da República loron 9 Fevereiro 2016. Disponivel iha: <http://presidenciarepublica.tl/sua-eselensia-prezidente-republica-desidi-kona-ba-susesaun-ihaf-ftl/>.



Dekretu Prezidente da Repúblika n° 4/2016 de 9 de Fevereiro hodi promove hodi promove postu Major General ba atual Brigadeiro General Filomeno da Paixão de Jesus no nomea ba kargu CEMGFA (F-FDTL). Bazeia ba artigu 86 Konstituisaun Repúblika Demokratika Timor-Leste, artigu 74, n° 1 Dekretu Lei N° 7/2014 de 12 de Março (Estatuto dos Militares da F-FDTL), artigu 14, n° 1 e) Lei N° 3/2010, de 21 Abril (Lei Defesa Nacional), proposta husi Governu hafoin rona tiha Konsellu Superior Defeza no Siguransa, Prezidente da Repúblika dekreta tuir mai ne'e:

*É promovido ao posto de Major-General o actual Brigadeiro-General Filomeno da Paixão de Jesus.*

*É nomeado para o cargo de Chefe de Estado-Maior General das Forças Armadas (FALINTIL-FDTL) o promovido Major-General Filomeno da Paixão de Jesus.*

Iha loron hanesan (9 Fevereiro 2016) Prezidente da Repúblika manda kedas karta kona-bá nomeasaun no exonerasaun ne'e nian ba Primeiru Ministru. Nune'e mos ezerse funsaun Vice-CEMGFA husi Koronel Falur Rate Laek ne'ebé ezerse nia funsaun hanesan Brigadeiro General ba funsaun inerênsia iha termus artigu 31 Lei Defeza Nasional to'o kumpri prosesu administrativu promosaun oficial jeneral nian. Nune'e mos promove Major General atual CEMGFA (F-FDTL), ba postu Tenente General iha loron anterior ninia pasajen iha situasaun reserva.<sup>7</sup> Maske nune'e, dekretu Prezidente da Repúblika dekreta to'o agora seidauk públika iha Jornal da Repúblika.

Iha loron 12 Fevereiro 2016, resposta husi Primeiru Ministru ba karta Prezidente da Repúblika nian. Primeiru Ministru preokupa tebes ho exonerasaun Major General Lere Anan Timur husi kargu CEMGFA (F-FDTL) no nomea Brigadeiro General Filomeno da Paixão de Jesus ba kargu CEMGFA (F-FDTL). Portantu proposta ne'ebé apresenta iha loron 16 Outobru 2015 manifesta intensaun renova mandatu atual CEMGFA (F-FDTL) Major General Lere Anan Timur no Vice-CEMGFA (F-FDTL) Brigadeiro General Filomeno da Paixão de Jesus. Proposta ne'e mos diskute no aseita ho unanimidade husi membru Konsellu Superior Defeza no Siguransa ne'ebé realiza iha loron 29 Janeiro 2016. Nune'e mos exonerasaun no nomeasaun ida ne'e kontrariu ho proposta ne'ebé Governu apresenta no opiniaun unanimidade husi membru Konsellu Superior Defeza no Siguransa. Ho ida ne'e dúvida kona-bá ninia konstitucionalidade no legalidade.<sup>8</sup>

Maske nune'e, proposta renovasaun ba mandatu CEMGFA (F-FDTL) no Vice-CEMGFA (F-FDTL) aseita unanimidade husi membru Konsellu Superior Defeza no Siguransa. Maibe aseitasaun ida ne'e la signifika Prezidente da Repúblika tenke halo tuir. Portantu Konsellu Superior Defeza no Siguransa hanesan orgaun konsulta Prezidente da Repúblika ba asuntu sira ne'ebé relasionadu ho defeza, siguransa ho soberania.<sup>9</sup>

<sup>7</sup> Karta Prezidente da Repúblika hato'o ba Primeiru Ministru kona-bá Nomeasaun CEMGFA no Vice-CEMGFA (F-FDTL), loron 9 Fevereiro 2016.

<sup>8</sup> Karta Primeiru Ministru nia resposta ba Prezidente da Repúblika nia karta kona-bá Nomeasaun ba CEMGFA no Vice-CEMGFA (F-FDTL), loron 12 Fevereiro 2016.

<sup>9</sup> Artigu 1, Lei N° 2/2005, Lei Konsellu Superior Defeza ho Siguransa nian.



Nune'e mos kompete ba Konsellu Superior Defeza no Siguransa fo konsellu ba Prezidente da Repúblika iha desizaun sira kona-bá proposta ba nomeasaun ka exonerasaun CEMGFA (F-FDTL) nian no Vice-CEMGFA (F-FDTL) no iha desizaun kona-bá proposta nomeasaun no ezonerasaun CEMFA (F-FDTL) husi ramu sira seluk Forsas Armadas nian.<sup>10</sup>

Iha loron 12 Fevereiro 2016 Prezidente da Repúblika resposta preokupasaun Primeiru Ministru nia dúvida kona-bá konstitucionalidade no legalidade desizaun Prezidente da Repúblika nian. Hodi exonera Major General Lere Anan Timur no nomeasaun ho promosaun ba Brigadeiro General Filomeno da Paixão de Jesus. Iha ne'ebé karta ne'ebé Prezidente da Repúblika dirize ba Primeiru Ministru hatete Prezidente da Repúblika iha kompetênsia konstitucional "nomea no exonera" CEMGFA no Vice-CEMGFA, nune'e kompetênsia "nomea no exonera" la'os halo tuir deit proposta ne'ebé Governu hato'o. Tanba ne'e kompetênsia "propria" Prezidente da Repúblika nian la'os atu "aprova", "oficializa" ka kualker forma seluk "konkorda" ho proposta Governu ka husi orgaun soberania seluk nian. Iha materia defeza no siguransa Prezidente da Repúblika hanesan "*Comandante – em – Chefe*". Nune'e desizaun ida ne'e hodi kumprir dever Prezidente da Repúblika hanesan Komandante Supremu Forsa Armada.<sup>11</sup>

Polémika ida ne'e to'o agora seidak iha solusaun lolos no idak-idak ho nia pozisaun rasik. Governu kontinua mantein proposta renovasaun ba mandatu CEMGFA (F-FDTL) Major General Lere Anan Timur no Vice CEMGFA (F-FDTL) Brigadeiro General Filomeno da Paixão de Jesus. Nune'e Prezidente da Repúblika mantein mos nia desizaun, sei la retira no prontu atu responsabiliza. Iha sorin seluk, desizaun Prezidente da Repúblika ba exonerasaun no nomeasaun ho promosaun ba CEMGFA no CEMFA kritika maka'as husi Parlamentu Nasional, kestiona legalidade no konstitucionalidade no sei lori ba Tribunal Rekursu hodi halo fiskalizasaun ba Prezidente da Repúblika nia desizaun.

### **Tanbasa Prezidente da Repúblika tenki foti asaun?**

Haree ba situasaun Forsa Armada nian (F-FDTL), funsaun CEMGFA, Vice-CEMGFA no CEMFA dadaun ne'e iha situasaun "interinidade". Prezidente da Repúblika nu'udar Komandante Supremu Forsa Armada nian tenki foti desizaun ne'ebé bele garante funsionamentu instituisaun Forsa Armada (F-FDTL).<sup>12</sup>

Portantu mandatu CEMGFA, Vice-CEMGFA no CEMFA (F-FDTL) ramata ona iha loron 6 Outubro 2015. Hafoin liu tiha loron sanolu (16 Outubro 2015) Governu halo proposta nomeasaun. Iha termu proposta ne'ebé Governu apresenta atu halo renovasaun ba

<sup>10</sup> Artigu 3, n° 1 f no g), Lei N° 2/2005, Lei Konsellu Superior Defeza ho Siguransa nian.

<sup>11</sup> Karta Prezidente da Repúblika responde ba Primeiru Ministru nia dúvida kona-bá "konstitucionalidade no legalidade" exonerasaun no nomeasaun ba CEMGFA no Vice-CEMGFA (F-FDTL), loron 12 Fevereiro 2016.

<sup>12</sup> Konstituisaun RDTL artigu 74.





mandatu CEMGFA (F-FDTL) Major General Lere Anan Timur no Vice-CEMGFA (F-FDTL) Brigadeiro General Filomeno da Paixão de Jesus.

Resposta Prezidente da República rezeita proposta Governu nian tanba proposta ne'e la kompletu no temi deit kargu CEMGFA (F-FDTL) no Vice-CEMGFA (F-FDTL), haluha tiha kargu CEMFA ninia mandatu tinan rua deit, ne'ebé ramata ona no labele halo nomeasaun-tan. Iha ne'ebé mandatu CEMFA (F-FDTL) Koronel Falur Rate Laek ramata ona iha loron 6 Outobru 2015 ba periodu rua nian (labele ona renova<sup>13</sup>) ne'ebé lolos tenki halo nomeasaun foun.

Maske nune'e, Dekretu Prezidente da República n° 3/2016 loron 9 Feveiru hodi exonera CEMGFA (F-FDTL) Major General Lere Anan Timur no Dekretu Prezidente da República n° 4/2016 loron 9 Feveiru hodi nomea Brigadeiro General Filomeno da Paixão de Jesus ba kargu CEMGFA (F-FDTL) no promove ba Major General seidauk pública iha Jornal da República. Signifika katak nomeasaun ne'e seidauk validu. Portantu aktu normativu sira ne'ebé órgaun soberanu sira prodúz tenke publika iha jornal ofisiál. Enkuantu seidauk pública aktu hirak ne'e la iha efikasias jurídika.<sup>14</sup>

### **Implikasaun futuru**

Husi aspetu pozitivu, iha futuru, kada orgaun soberanu RDTL deskonkorda malu iha asuntu ruma, exemplu dadaun ne'e sai biban ba kultura demokrasia lori malu ba Tribunal. Tribunal bele foti dezisaun tuir mandatu legal ho konstitusional no mos meius edukasaun sivika ba povu tomak, no limita ema ida idak atu halo nia interpretasaun brutal no la edukadutivu, sorin ida. Sorin seluk, fortika kultura política ne'ebé Forsa Armada kontinua nafatin submete ba dezisaun política husi poder sivil ka supermasaun sivil nia. Nune'e mos kria sivilizasaun iha sosiedade nia leet katak poder kona-bá *check and balance* ne'e la'o iha nia pratika duni.

Husi aspetu negativu, iha futuru kria polémika no krize lideransa iha instituisaun Forsa Armada. Ho ida ne'e bele hamosu krize komfiansa husi instituisaun ba pesoal ne'ebé hetan nomeasaun husi Prezidente da República ka husi Governu. Kuandu ida ne'e akontense sei hetan implikasaun iha implemensaun no lala'ok forsa nia ba akauntabilidade. Karik iha problema no mosu iha forsa armada, Governu ho Prezidencia da República bele dun ba malu, tamba hahu ínsiu laiha konkordansia mutual ida ba proposta ho nomeasaun ba liderasan F-FDTL. Deskonkordansia ne'e sei bele provoka koezaun sosial no kria krize iha aspeitu rua, ida husi lideransa instituisaun iha F-FDTL, ne'ebé sei hamosu desobedensia ka laiha lealdade ba lideransa seluk. Ikus mai hafraku instituisaun ho ierarkiamente, ida seluk fali, krize interpretasaun no politizasaun ba aspetu legal kontinua loke dalan ba Parlamentu Nasional ho Governu bele kria rezolusaun inkonstitusional hanesan akontense tiha ona dala barak iha tempu uluk.

<sup>13</sup> Artigu 75, n° 2º Decreto Lei N° 7/2014 Estatuto dos Militares das F-FDTL.

<sup>14</sup> Konstituisaun RDTL artigu 73.



## Konkluzan

Relasiona ho polémika nomeasaun no exonerasaun ba CEMGFA no Vice-CEMGFA (F-FDTL), relatoriu ida ne'e konklui:

1. Desde loron 7 Outobru 2015 to'o agora kargu CEMGFA no Vice-CEMGFA (F-FDTL) mamuk tamba seidauk halo nomeasaun foun. Maske Prezidente da Repúblika halo ona nomeasaun tuir kompetensia Prezidente da Repúblika nian maibe governu ho Parlamentu Nasional sei dúvida ninia konstitusionalidade no legalidade.
2. Ba mandatu kargu CEMGFA (F-FDTL) Major General Lere Anan Timur no Vice-CEMGFA (F-FDTL) Brigadeiro General Filomeno da Paixão de Jesus, bele halo renovasaun. Tuir Dekretu Lei N° 7/2014 Estatutu Militares das F-FDTL artigu 74 hatete mandatu ba kargu CEMGFA (F-FDTL) no Vice-CEMGFA (F-FDTL) masimu durasaun tinan haat no bele halo renovasaun ba dala ida deit. Portantu mandatu ba periodu dahuluk nian (6 Outobru 2011 to'o 6 Outobru 2015).
3. Relasiona ho Proposta Governu nian la signifika Prezidente da Repúblika tenki simu tomak deit. Governu halo proposta, nomea no exonera ne'e kompetensia Prezidente da Repúblika nian (*hatee Konstituisaun RDTL artigu 86 alinea m, Lei Organika F-FDTL artigu 8 no 9, Dekretu Lei N° 7/2014 EM F-FDTL artigu 74*).
4. Ba kargu CEMFA (F-FDTL) tenki halo nomeasaun foun. Portantu hahu loron 7 Outobru 2015 to'o agora kargu CEMFA (F-FDTL) mamuk. Proposta ne'ebé Governu hato'o haluha tiha kargu CEMFA (F-FDTL) ne'ebé ramata ona iha loron 6 Outobru 2015 ba periodu rua (Artigu 75, n° 2' Decreto Lei N° 7/2014 Estatutu dos Militares das F-FDTL). Iha ne'ebé mandatu ba CEMFA (F-FDTL) tinan rua no bele halo renovasaun ba dala ida deit. Iha kazu ne'e nian mandatu CEMFA (F-FDTL) Koronel Falur Rate Laek ramata ona iha loron 6 Outobru 2015 ba periodu rua (6 Outobru 2011 to'o 6 Outobru 2013 no 7 Outobru 2013 to'o 6 Outobru 2015). Signifika katak tenki halo nomeasaun foun ba kargu CEMFA (F-FDTL).

## Rekomendasaun

1. Rekomenda ba Prezidente da Repúblika no Governu presiza komunikasaun ne'ebé saudavel no klarefika ba públiku kona-bá polémika ne'ebé dadaun ne'e la'o hela, hodi labele kria rumoris oin-oin iha sosiedade nia leet. Tanba públiku dadaun ne'e sente tauk wainhira hatee polémika ne'ebé liga ho militar sira.
2. Rekomenda ba Prezidente da Repúblika no Governu solusiona lalais polémika ida ne'e no ultra-pasa situasaun ne'ebé dadaun ne'e Forsa Armada ka F-FDTL



hasoru hela. Nune'e instituisaun ne'e bele hetan fila fali ninia lideransa hodi garante fursionamentu instituisaun nian.

3. Rekomenda Prezidente da Repúblika, Parlamentu Nasional no Governu utiliza dalan legal hodi husu Tribunal Rekursu nia apresiasaun kona-bá desizaun ne'ebé Prezidente da Repúblika hasai. Duke resposta malu liu husi media hodi kria rumoris oin-oin iha sosiedade nia leet.



## Bibliografia

Dekretu do Presidente da República n° 3/2016 de 9 de Fevereiro, EXENORA\_kargu Chefe Estado Maior General das F-FDTL, Major General Lere Anan Timur no Promove ba postu Tenente General.

Dekretu Presidente da República n° 4/2016 de 9 de Fevereiro, PROMOVE Brigadeiro General Filomeno da Paixão de Jesus ba Postu Major-General no NOMEIA ba kargu Chefe Estado Maior General da Força Armada (FALINTIL-FDTL).

Dekretu Lei N° 7/2014 Estatutu Militar ba F-FDTL

Decreto Presidente 64/2011, loron 6 Outobru 2011 Nomeasaun Chefe Estado Maior General das Forsa Armada (FALINTIL-FDTL) Major General Lere Anan Timur.

Decreto Presidente 65/2011, loron 6 Outobru 2011 Nomeasaun Vice-Chefe Estado Maior General das Forsa Armada (FALINTIL-FDTL) Brigadeiro General Filomeno de Jesus Paixão

Decreto Presidente 66/2011, loron 6 Outobru 2011, Nomeasaun Chefe de Estado Maior das Forças Armadas (FALINTIL-FDTL) Coronel Falur Rate Laek (Domingos Raul).

Dekretu Lei N° 15/2006 Estatutu Orgániku FALINTIL-FDTL

Komunikadu Imprensa Prezidencia da República loron 9 Fevereiro 2016. Disponivel iha: <http://presidenciarepublica.tl/sua-eselensia-prezidente-republika-desidi-kona-ba-susesaun-iha-fdtl/>.

Konstituisaun República Demokratika Timor-Leste

Lei N° 2/2005, Lei Konsellu Superior Defeza ho Siguransa nian

Lei N° 3/2010, Lei Defeza Nasional